



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. I. Applausus Regno & Nuptiis Agni.

urn:nbn:de:hbz:466:1-39100

, servus tuus sum, & fratrum tuorum habentium testimonium Iesu.
, Deum adora; Testimonium enim Iesu, est spiritus prophetæ. (v. 11.)
, Et vidi cælum apertum, & ecce equus albus, & qui sedebat super eum,
, vocabatur fidelis, & verax, & cum justitia judicat & pugnat. (v. 12.)
, Oculi autem ejus sicut flammam ignis, & in capite ejus diademata multa,
, habens nomen scriptum, quod nemo novit nisi ipse. (v. 13.) Et vestitus
, erat ueste aspersa sanguine, & vocatur nomen ejus verbum Dei. (v. 14.)
, Et Exercitus qui sunt in cælo, sequebantur eum in equis albis, uestiti
, byssino albo & mundo. (v. 15.) Et de ore ejus procedit gladius ex uira-
, que parte acutus: ut in ipso percutiat gentes. Et ipse reget eas in virga
, ferrea: & ipse calcat torculari vini furoris iræ Dei Omnipotentis.
, (v. 16.) Et habet in uestimento & in femore suo scriptum: Rex Regum,
, & Dominus dominantium. (v. 17.) Et vidi unum Angelum stantem
, in sole, & clamavit voce magna, dicens omnibus avibus, qua volabant
, per medium cæli: Venite, & congregamini ad cœnam magnam Dei;
, (v. 18.) Et manducetis carnes Regum, & carnes tribunorum, & car-
, nes fortium, & carnes equorum, & sedentium in ipsis, & carnes om-
, nium liberorum, & servorum, & pusillorum, & magnorum.

I. I.

Applausus Regno & Nuptiis Agni.

I. COnsonat initium hujus Ca-
pitis ei quod dicebatur in Ca-
pite præcedente, v. 20. Ex-
ulta Cælum.

Nempè Justitia DEI, materia est
exultationis sicut DEO ipsi, sic Beatis
ejus: quorum urbi canticum proprium
est illud de quo Tobias cap. 13. v. 22.
per vicos ejus alleluja cantabatur. Un-
de hīc in Apocalypsi multiplex inge-
minatio Allelu-ja (Hebraicē: laudate
DEUM.) Primū de sententia dam-
nationis lata adversus Meretricem
QUÆ CORRUPIT TERRAM,

coram qua palam prostrauit se, auctor
ad amplectendam Infidilitatem. Di-
cunt turba omnes quæ IN COELO super
sunt, verè & iustè judicatum esse: AL-
LELUJA, inquiunt, SALUS ET
GLORIA ET VIRTUS DEO
NOSTRO EST: Salus ab illo; glo-
ria illi; virtus penes illum sicut salvan-
di sic & damnandi. Addunt de vindi-
cta sumptâ de sanguine SERVO-
RUM DEI; quod est ITERUM
ALLELUJA. Nec non de pena
infictâ Meretrici, igne ac fumo aeterno,
tertium ALLELUJA; quod dicitur
cum

cum asseveratione, AMEN, 24. *Seniorum Ecclesie* & 4. *Animalium quæ repræsentant Evangelia & Doctores ejus, adorantium Deum veridicum & justum.*

Cui orthodoxorum non est manifestum, hæc nequaquam convenire hodiernæ Romæ? quæ à prima sui conversione nunquam descivit à fide Christi, & de qua tantæ laudes Patrum; ad quam, teste S. Cypriano, *perfidia habere non possit accessum.* (ep. 55. ad Cornel.)

2. Tum verò (v. 5.) DE THRONO VOX & invitatio omnium ad gratulationem super causâ exultationis aliâ: & obeditio TURBÆ MAGNAE SICUT AQUARUM MULTARUM, ET TONITRORUM resonantium LAUDEM, ALLELUJA novum: propter adventum Regni Dei, & adventum Nuptiarum Agni, ac preparationem Sponsorum. QUONIAM REGNAVIT, inquiunt, DOMINUS DEUS NOSTER OMNIPOTENS: & QUIA VENERUNT NUPTIÆ AGNI, ET UXOR EJUS PRÆPARAVIT SE: illa de qua S. Augustinus in psalmum 127. *Uxor ejus, Ecclesia ejus.*

Ea præparatio dicitur esse quod cooperuerit SE BYSSINO NITENTI ET CANDIDO. quæ Byssus consistit in sanctitate & iustitia (Luc. 1. v. 75.) coram ipso Sponsoro, à quo data fuerat gratis, ac deinde ornata cumulatâque operibus majoris iustificationis, ac præcipue patientiâ in persecutionibus; tanquam linum (hoc est enim byssus, pretiosissimum veteribus) à

multa tensione & carminatione purius ac splendidius, græcè καθαρὸν καὶ λαμπρόν.

3. Occasione Nuptiarum, audit Joannes mandantem: SCRIBE; BEATI QUI AD COENAM NUPTIARUM AGNI VOCATI SUNT. Dicitur Cœna: quia in mundi vespere, in Beatiudine, de qua sermo est Luc. 14. v. 15. nam prandium nuptiale Matth. 22. v. 4. celebratur in desponsatione in terris; in quo etiam qui comparuerit, vocatus, potest ejici; at non è cœna Beatorum.

Hic cum adderetur, VERBA HÆC esse DEI: *cecidi adoratus Deo soli latrâ: ut expresè hunc locum expli-* cat S. Doctor Augustinus lib. 1. qnæst. super Gen. q. 6. 1. ubi cùm distinxisset inter quamlibet adorationem & inter eam quam Græci vocant λατρευειν, docet Angelum prohibuisse adorari se isto modo qui non nisi Deo deberur: *Talis enim, inquit, apparuerat Angelus, ut pro Deo posset adorari: & ideo fuerat corrigendus Auditor.*

Quamobrem manifestans se Angelum esse: VIDE, ait, NE FECE-
RIS: DEUM ADORA: nam, CONSERVUS TUUS SUM qui TESTIMONIUM exhibeo Deo, prophetando apud te (hanc Apocalypsin Jesu CHRISTI ad quod missus sum ab illo Apoc. 1. v. 1. & 2.) quòd & tu exhibeas par testimonium apud genus humanū. SPIRITUS ENIM PROPHETIÆ omnis EST TESTIMO-
NIUM JESU: & quicunque perhibent illud, tu & fratres tui, mecum servi sunt JESU.

§. II.

Alleluja
super ad,
ventu
nuptia-
rum.
Præpa-
ratio
nuptæ.